

Firmiter emplastra cuti adhærent, nec metuendum ab illis, ne loco moveantur. Paratum emplastrum extenditur super corium, vel linteum satis spissum, ex quò figuræ ad imperialis ut plurimum rotunditatem accedentes formantur, quas tamen ratio materiæ serosæ ejusque læsio nunc majores, nunc minores indicat. Ita *Rhodius l. c.* ceratum tale magnitudine palmæ, calidè appositum, arctè ligandum commendat.

Formatis taliter emplastris nonnulli adspargunt pulverem cantharidum, quò vigorare eadem volunt; quod non improbandum, cum attractio fortior requiritur. Omnia tamen probè ponderentur, necesse est, ne gangræna sequatur, qualem adnotat *Riverius cent. 2. obs. 96.*

Impositum parti emplastrum per aliquot horas, sex vel octo teneatur, usque dum calore suò acri materiam ex altò eduxerit, inque vesicam collegerit: tunc removendum id est. Vesicæ subortæ, serosâ colluvie scatentes, filò vel acu trajiciendæ, vel forfice aperiendæ, ut serum attractum effluat. Ulcus jam factum per aliquot dies apertum servandum, ut sensim atque sensim derivatio continuetur.

Post apertionem non statim conglutinanda, sed aperta servanda per aliquot dies exulcerata cutis; id quod commodè fieri potest, dum eidem *folium brassicæ* recens, aquâ vel vino maceratum vel butyro illitum, imponitur, frequentius iterando. Succosum enim id est, nitroque naturæ vi aspersum; ficcari hinc non sinit ulcus, sed promovet effluviu materiæ morbificæ, juxta *Heurnium meth. ad præxin l. 1. Henric. ab Heer obs. 21.* carnem bubulam crudam imponit. *Alii* ad conservanda vesicatoria utuntur *ceratò diapalmæ*, quò tamen non semper utendum esse, monet ex *Capivacciò Rhodius in Septal.* *Aliis* placet imponere *emplastrum de spermate ranarum*, aut aliud *ceratum*, cui pro ratione circumstantiarum modicum de cantharidibus præparatis admisceri potest, ut promptius fluant ulcuscula. Sic ad X. dies aperta servari possunt, magno cum emolumento ægrotantium.

Symptomata cum vexant ægrotantes, dolorèque eosdem afficiunt, suadet *Simon Pauli in quadripart. botanic. clasf. 3. folia plantaginis* adplicanda, utpote quæ dolores mitigent, & pustulas arte prolicitas sanent. Divinum deprædicat *Riverius obs. communis. 12.* ad dolores

lores